



შირაკი

SHIRAKI

www.opentext.ge

გამოცემის 1937 წლიდან

№30 (9.546)

17 აგვისტო 2012 წელი

ფასი: 50 თეთრი

ყოველკვირეული გამოცემა

დიდი მხატვრის მუზეუმი მთლიანად განასრულებს



15 აგვისტოს საქართველოს კულტურისა და ძეგლთა დაცვის მინისტრი ნიკოლოზ რურუა ნიკო ფიროსმანის სახლ-მუზეუმის თანამშრომლებსა და მირზანაელას შეხვდა. მან მუზეუმის თანამშრომლებთან ერთად კიდევ ერთხელ მოისმინა ის პრობლემები, რომელიც ცნობილი მხატვრის ბარამოს სრულყოფისთვის მოსაგვარებელ საკითხთა ნუსხაშია. მინისტრმა ფიროსმანის მუზეუმს საჩუქრად საოფისი ავეჯი, კომპიუტერი და პლანეტარული გლობუსი გადასცა.

მ ი რ ზ ა ა ნ - შ ი ფიროსმანის სახლ-მუზეუმის რეაბილიტაცია ყოველწლიურად ეტაპობრივად მიმდინარეობს. 2009 წელს მუზეუმში პირველად მონესრიგდა ელექტროენერჯის პრობლემა, წყლისა და გაზის გაყვანილობა, შეიცვალა შენობის სახურავი და გასულ წელს განახლდა მუზეუმის საექსპოზიციო სივრცე. მიმდინარე წელს ფიროსმანის სახლ-მუზეუმი მთლიანად განასრულებს, მუზეუმის ტერიტორიაზე და მთავალიერებლებისათვის მოწყობა სველი წერტილები და მონესრიგდება ტურისტული ინფრასტრუქტურა.

ნიკოლოზ რურუა: *“მირზანაში იყო პრობლემები, რომელიც ძირითადად, მუზეუმის ინფრასტრუქტურის მოწყობას ეხებოდა. მე აქ ვარ იმიტომ, რომ ის დანარჩენი პრობლემები, რომლებიც ხელს უშლის ტურიზმის განვითარებას, მონესრიგდეს და, მსოფლიო მნიშვნელობის მხატვრის გარემოში, რაც შეიძლება ბევრმა ბევრმა ტურისტმა მოიყაროს თავი”* — განაცხადა მინისტრმა ნიკო ფიროსმანის სახლ-მუზეუმში ვიზიტისას.

საქართველოს კულტურული მემკვიდრეობის დაცვის ეროვნული სააგენტოს დაფინანსებით უკვე დაგეგმილია ფიროსმანის ორი ნამუშევრის - „მწლიარე ქართველი ქალის“ და „თამარ მეფის პორტრეტის“ რესტავრაცია.

მირზანაში ვიზიტის შემდეგ საქართველოს კულტურისა და ძეგლთა დაცვის მინისტრი, კახეთის გუბერნატორთან და სხვა თანმხლებ პირებთან ერთად, ქალაქ დედოფლისწყაროს მოსახლეობას შეხვდა და მათ ხელისუფლების მიერ დაგეგმილ რეფორმებზე ესაუბრა.

ინგა შიოლაშვილი

როსა სიტყვები ზედმეტია...

15 აგვისტოს კახეთის გუბერნატორი გიორგი ღვინიაშვილი დედოფლისწყაროს ეწვია. მან დედოფლისწყაროს მუნიციპალიტეტის ღვანლმოსილი ადამიანები საქართველოს მთავრობის უმაღლესი ჯილდოებით — ღირსების ორდენებითა და მედლებით დააჯილდოვა. ღირსების ორდენებით დაჯილდოვდნენ: ბელა გოგობერიძე (ექიმი), გოდერძი გონაშვილი (მეღვინე) და კახა ნიკლაური (მწვრთნელი), ხოლო ღირსების მედლები გადაეცათ: ნოდარ ბალაშვილს (მეღვინე), ცარო მარტიაშვილს (კულტურის სახლის დირექტორი), ვისერგი გუმაშვილს (კულტურისა და სპორტის ცენტრის სპეციალისტი) და დავით გონაშვილს (მწვრთნელი).



დედოფლისწყაროს მუნიციპალიტეტის საკრებულო და გამგეობა ულოცავს მთავრობის უმაღლეს ჯილდოს თითოეულ ადამიანს და კვლავაც წარმატებებს უსურვებს მათ საზოგადოებრივ საქმიანობაში.

კახეთი „შირაკი“ უერთდება დედოფლისწყაროელი ღვანლმოსილების სიხარულს, ულოცავს მათ ამ დაფასებას და შემდეგ ნომრებში თითოეულ მათგანზე ვრცელ სტატიას შემოგთავაზებთ.

ახალგაზრდობის დღე დედოფლისწყაროშიც ტრადიციად იქცევა

გვ. 6

შვეიცარია მცირე ფერმერებს განვითარებაში დაეხმარება

გვ. 4

ყველაზე სანდო წყარო დედოფლისწყაროში მიმდინარე მოვლანების შესახებ!

- ახალი ინფორმაცია
- სამართლებრივი აქტები
- აუქციონი
- ტენდერი - ყველაფერი მხოლოდ ჩვეთაში!

ის, რასაც სხვაგან ვერ ნაიპოვებთ!

www.dedoplistskaro.ge

კათოლიკოს-პატრიარქმა მრევლს თხოვნით მიმართა, ლოცვა გააძლიერონ

სრულიად საქართველოს კათოლიკოს-პატრიარქმა მრევლს თხოვნით მიმართა, გააძლიერონ ლოცვა, რათა საარჩევნო პერიოდმა მშვიდობით განვლოს.

როგორც უწმიდესმა და უნეტარესმა ილია მეორემ დღევანდელ საკვირაო ქადაგებაში ბრძანა, საქართველოში ახლა რთული პერიოდია, რადგან ქვეყანა არჩევნებისთვის ემზადება.

“გთხოვთ გააძლიეროთ ლოცვა, რომ მშვიდობით განვლოს ამ პერიოდმა და ერმა აირჩიოს ის, ვინც სათნო არის წინაშე ღვთისა”, - ბრძანა უწმიდესმა.

“ძველი რომაელები მუდმივად ამბობდნენ - “შეიცანი თავი შენი”. აუცილებელია საკუთარ თავსა და გონებაში ჩაღრმავება. ადამიანი უნდა დაფიქრდეს, ვინ არის იგი, რისთვის მოვიდა, ვისი ნებით მივიდა და სად მიდის”, - ბრძანა უწმიდესმა.

მარია მოხბის მარხვა დაიწყო



14 აგვისტოს მარია მოხბის მარხვა დაიწყო. მარია მოხბის მარხვა ორი კვირის განმავლობაში გაგრძელდება და 28 აგვისტოს, ყოვლადწმინდა ღვთისმშობლის მიძინების დღესასწაულზე დასრულდება.

აღნიშნული მარხვა მიძინა მორწმუნეებისთვის. თევზით ხსნილი მხოლოდ ფერიცვალებას, 19 აგვისტოს არის. თავისი მნიშვნელობით იგი საშობაო და პეტრე-პავლობის მარხვაზე აღმატებულია.

ბაგრატის ტაძრის გუმბათზე ნაკურთხი და დალოცვილი ჯვარი აღიმართა

ქუთაისში, ბაგრატის ტაძრის გუმბათზე 17 აგვისტოს ნაკურთხი და დალოცვილი ჯვარი აღიმართა. ჯვრის გუმბათზე აღმართვის ცერემონიაში, რესტავრატორებთან ერთად, საქართველოს პრეზიდენტი მიხეილ სააკაშვილიც მონაწილეობდა.

300 კილოგრამის, 2 მეტრისა და 14 სმ-ის ბრინჯაოს ჯვარი არქიტექტორ-რესტავრატორ ვანო გრემელაშვილის ნახაზით დამუშავდა და შეიქმნა. ჯვარი ქუთაისის ყველა ცენტრალური წერტილიდან შესამჩნევი გახდება.

ჯვრის აღმართვასთან დაკავშირებით, ქუთაისში 17 აგვისტო ერთჯერადად უქმედ გამოცხადდა.

საკადრო ცვლილებები მთავრობაში

საქართველოს პრემიერ-მინისტრმა ფინანსთა ყოფილ მინისტრ დიმიტრი გვინდაძეს განეულები სამუშაოებისთვის მადლობა გადაუხადა. პრემიერის განცხადებით, შემოსავლების და საქართველოს რეიტინგების ზრდის თვალსაზრისით მიღწეული წარმატებები სწორედ დიმიტრი გვინდაძეს უკავშირდება.

„სტაბილური ფინანსური სისტემის ჩამოყალიბების კუთხით მიღწეული წარმატებები დიმიტრის სახელს უკავშირდება - აღნიშნა მერაბიშვილმა.

საქართველოს მთავრობაში მორიგი საკადრო ცვლილება განხორციელდა. ვანო მერაბიშვილმა ფინანსთა მინისტრის თანამდებობაზე ალექსანდრე ხეთაგური წარადგინა.

ენერგეტიკის მინისტრის პოსტს კი საპარლამენტო უმრავლესობის წევრი ვახტანგ ბაღვაძე დაიკავებს.

მიხეილ სააკაშვილი: „წახატიც ციხე ჩვენი აღმშენებლობის გვირგვინია“...

16 აგვისტოს საქართველოს პრეზიდენტი ახალციხეში რაბათის ციხის გახსნის ცერემონიალს დაესწრო. მიხეილ სააკაშვილმა პრემიერ მინისტრთან ერთად, ფეხით შემოიარა განახლებული რაბათის ციხე-ქალაქი, აღდგენილი ობიექტები დაათვალიერა და აქ შეკრებილ მოსახლეობასაც გაესაუბრა. მიხეილ სააკაშვილმა მე-9 საუკუნით დათარიღებული ტაძარიც მოილოცა, რომელიც რესტავრატორებმა ნანგრევებიდან აღადგინეს და მართმადიდებელ მრევლს პირვანდელი სახით დაუბრუნეს.

ქვეყნის პირველმა პირმა ლონისძიებაზე შეკრებილ საზოგადოებას სიტყვით მიმართა და ამ ადგილის მნიშვნელობაზე ესაუბრა. რაბათის ციხეს მან „აღმშენებლობის გვირგვინი“ უწოდა და ყურადღება საქართველოში დასრულებულ და მიმდინარე სხვა მშენებლობებსა და სარეაბილიტაციო სამუშაოებზე

გამახვილა. როგორც პრეზიდენტმა აღნიშნა, აღდგენილი ციხე ახალციხეში უამრავ ტურისტს მოიზიდავს, რაც, თავის მხრივ, მოსახლეობის პირობების გაუმჯობეს-

ლიტაციო სამუშაოები დაიწყება.

პრეზიდენტის თქმით, ქვეყანაში ჯერ კიდევ ბევრი რამ არის გასაკეთებელი, რომელთაგან უპირველესი სიღარიბის

ველმა პირმა ახალგაზრდობის როლზეც ისაუბრა და განაცხადა, რომ სწორედ ამ ახალგაზრდებმა უნდა გააგრძელონ ქვეყნის აღმშენებლობის შემდგომი პროცესი.



სების სანინდარი გახდება. მიხეილ სააკაშვილმა საზოგადოებას ახალი პროექტის შესახებაც ესაუბრა და განაცხადა, რომ რაბათის შემდეგ, გორის ციხის სარეაბი-

ლიტაცია დაიწყება. მიხეილ სააკაშვილი ტურიზმის განვითარების საკითხსაც შეეხო და აღნიშნა, რომ ეს ამ პრობლემის გადაჭრის ერთ-ერთი მთავარი ნაპირობაა. ქვეყნის პირ-

რეაბილიტაციის პროექტის ფარგლებში, 7 შექტარულ გაშენებულ ისტორიულ ციხე-ქალაქს, რომელსაც ტოლერანტობის სიმბოლოსაც უწოდებენ, პირვანდელი იერსახე დაუბრუნდა. აღდგენილია ეროვნული მნიშვნელობის ძეგლები: ქრისტიანული ტაძარი, მეჩეთი, მინარეთი და სინაგოგა, ჯაყელების სასახლე, ისტორიული მუზეუმი, ძველი აბანოები და ციხაძელი. ამას გარდა, რაბათის ციხის ტერიტორიაზე ამოქმედდა ტურიზმის საინფორმაციო ცენტრი და ქორწინების სახლი; აქვეა სიყვარულის ხეივანი, ამფითეატრი, საგამოფენო დარბაზები, სასტუმროები, კაფე-რესტორნები, მარანი, წყლის კასკადები და სხვა.

შირაქში „პიონერის“ სათესლე ხორბლის ექსპერიმენტმა გაამართლა

კომპანია „კარტლის“ მიერ ამერიკული კომპანია „პიონერის“ სათესლე ხორბლის ორი ახალი ჯიშის საცდელმა თესვამ საუკეთესო შედეგები აჩვენა. საადრეო და საგვიანო ჯიშის სათესლე ხორბლების „ანაპოს“ და RP22R58-ის მოსავალმა, რაიონისა და ჯიშის გათვალისწინებით, შექტარზე 3-5 ტონა შეადგინა. ამავე ჯიშის ხორბალი დედოფლისწყაროში, შირაქის ველზე დაითესა, რომელსაც საუკეთესო შედეგი აჩვენა.

კომპანია „კარტლის“ მენეჯმენტის ინფორმაციით, ფერმერების დაკვირვებით და მიღებული მოსავლის რაოდენობის მიხედვით, განსაკუთრებით კარგი შედეგი

აჩვენა RP22R58-მა, რომელსაც წლეულს, არსებულ მიმდევ კლიმატურ პირობებშიც კი მაღალი მოსავალი მოგვცა.

„პიონერის“ RP22R58-მა საუკეთესო შედეგი აჩვენა და ფერმერები დაარწმუნა, რომ იგი მართლაც ძალიან კარგად უძლებს სტრესულ გარემოს, რომელიც კლიმატური პირობებითაა გამოწვეული. შედეგებმა სხვადასხვა რეგიონში, შექტარზე საშუალოდ 4-5 ტონა შეადგინა მაშინ, როცა სხვა ხორბლის ჯიშების მოსავალი შექტარზე 1.5-2 ტონას არ აჭარბებს. რაც შეეხება „ანაპოს“, მისი მოსავალიც ძალიან კარგია და საშუალოდ შექტარზე 3-4 ტონას შეადგენს,“ - აცხადებს კომპანია „კარტლი-

სის“ დირექტორი რობერტ რევია.

კომპანიის მენეჯმენტის ცნობით, თესვები საქართველოს ტრადიციული მესობლების ზონებში: შირაქში (დედოფლისწყარო), ალაზნის ველზე, ყვარულში, საგარეჯოში, გორში, დმანისსა და სართიჭალაში, სულ 150 შექტარ ტერიტორიაზე განხორციელდა.

„ეს იყო საცდელი თესვა, თუმცა ფართობი, რომელზეც ხორბალი დაითესა, საკმაოდ დიდია. ჩვენ გვსურდა, დაგვედგინა, თუ რამდენად მოსავლიანი იქნებოდა აღნიშნული ჯიშები საქართველოს პირობებში და როგორ მიესადაგებოდნენ ისინი ჩვენს კლიმატურ პირობებს. ექსპერიმენტულმა თესვამ კარგი შედეგები

გვაჩვენა მიმდევ კლიმატურ პირობებშიც კი, თუმცა ნორმალური კლიმატური პირობების დროს მოსავალი საშუალოდ 1-2 ტონით უფრო მაღალი იქნებოდა. სამწუხაროდ, დღემდე ჩვენს ქვეყანაში საკმაოდ მოძველებულ, უხარისხო და დაბალმოსავლიან ჯიშებს თესვენ, ვინაიდან ქვეყანაში მაღალმოსავლიანი სათესლე მასალის პრობლემაა,“ - აცხადებს რევია.

აღნიშნულ ხორბლის საცდელ ნაკვეთებს თვალყურს ადევნებდა აკადემიკოსი, სოფლის მეურნეობის მეცნიერებათა დოქტორი, პროფესორი პეტრე ნაციდაშვილი, რომელმაც კომპანია „პიონერის“ ხორბლის ჯიშს — RP22R58-ს უმაღლესი შეფასება მისცა.

კახეთში ფულად კომპენსაციას 18 000 ოჯახი მიიღებს

კახეთში სტიქიით დაზარალებული მოსახლეობისთვის ფულადი კომპენსაციების დარიგება დაიწყო. ფულად კომპენსაციას 18 000 ოჯახი მიიღებს. კომპენსაციების გაცემა „ლიბერთი ბანკის“ ფილიალებში და „ლიბერთი ექსპრესის“ მანქანების საშუალებით მიმდინარეობს.

„კომპენსაციების გაცემისთვის ვადები დადგენილი არ არის და მას ჩვენი საშუალებით ყველა დაზარალებული მიიღებს“, - განუცხადეს კახეთის საინფორმაციო ცენტრს „ლიბერთი ბანკის“ სათაო ოფისში.

შეგახსენებთ, რომ 19 ივლისს, კახეთში ძლიერი სტიქიის შედეგად ათასობით ოჯახი დაზარალდა. მთავრობამ დაზარალებულები სამ კატეგორიად დაყო. პირველი კატეგორია, ანუ ოჯახი, რომელსაც მოსავალი 100%-ით გაუნადგურდა, 1300—1500 ლარის ოდენობის კომპენსაციას მიიღებს. მეორე კატეგორიაში ის ოჯახები შედიან, რომელთაც მოსავალი 70—80%-ით გაუნადგურდათ. ისინი კომპენსაციის სახით 800—900 ლარს მიიღებენ. მესამე კატეგორიის დაზარალებულებს, მათ ვისაც სტიქიამ მოსავლის 50%-მდე გაუნადგურა, სახელმწიფო 300—500 ლარის კომპენსაციას გადასცემს.

მაღაღობის მსხვერპლთა რეაბილიტაციისთვის ახალი პროექტი განხორციელდება

მაღაღობის მსხვერპლთა რეაბილიტაციისთვის ფონდი „კასკი“ ახალ პროექტს „გაფულისობაზე“ იწყებს. არასამთავრობო ორგანიზაციის ხელმძღვანელი მერაბ ხიდაშელი მიიჩნევს, რომ საქართველოში რეალურად არ არსებობს სახელმწიფოებრივი მიდგომა ოჯახური ძალადობის მსხვერპლ ქალბატონებისთვის და საქროა ამ ქალბატონების რეაბილიტაცია. ასევე ხიდაშელი მთავრობას მოუწოდებს, დაასაქმონ ასეთი ქალბატონები სახელმწიფო პროგრამით გათვალისწინებულ პროექტში „მეტი სარგებელი ხალხს“.

ამის შესახებ ორგანიზაციის ხელმძღვანელმა დღეს „პრემიაში“ პრესკლუბში გამართულ პრესკონფერენციაზე განაცხადა.

მერაბ ხიდაშელი პრესკონფერენციაზე ოჯახური ძალადობის ერთ-ერთ მსხვერპლთან, თეონა კეთილაძესთან ერთად იმყოფებოდა, რომელსაც ხიდაშელის თქმით, არასამთავრობო ორგანიზაციის ჩამოყალიბება სურს, სადაც მხოლოდ ის ქალები განეწიანდებიან, ვისაც საკუთარ თავზე აქვს გამოცდილი ოჯახური ძალადობა.

ბრძელდება ქალაქის ინფრასტრუქტურული საუზაროები



ქალაქ დედოფლისწყაროში, ადგილობრივი ხელმძღვანელობის ინიციატივითა და ძალისხმევით, გრძელდება ქალაქის კეთილმოწყობისა და ინფრასტრუქტურული საუზაროები. მთლიანად ახალი ასფალტით იფარება აღმაშენებლის და 9 აპრილის ქუჩები. ამასთან, ამ ქუჩებზე მინის ნაშლისგან მთლიანად ამოიწმინდა სანიაღვრე არხები. ასევე, ადგილობრივი მოსახლეობის თხოვნით, გაითხარა და ასფალტის დაგებამდე საკანალიზაციო ქსელი ჩაიფინა სააკადის ქუჩაზე, სადაც წლებია, მოსახლეობას აწუხებდა ეს პრობლემა. დედოფლისწყაროელები კმაყოფილებას გამოთქვამენ მიმდინარე სარეაბილიტაციო სამუშაოებით და მადლობას უხდებიან ადგილობრივ ხელმძღვანელობას ნლობით დაგროვილი პრობლემების მოგვარებისთვის.

ლალი მხრიშვილი



ზაფხულში დედოფლისწყაროს სამი ბაღი მუშაობას განაგრძობს

თუ ქალაქ თბილისში ყველა საბავშვო ბაგა-ბაღმა ზაფხულის სეზონთან დაკავშირებით მუშაობა შეწყვიტა, დედოფლისწყაროს ტერიტორიაზე განთავსებული ბაგა-ბაღები ზაფხულის სეზონზეც განაგრძობენ მუშაობას. ეს გამოინაკლის რამდენიმეწლიანი პაუზის შემდეგ წელს პირველად დაიშვა „ქალაქ დედოფლისწყაროში მოქმედი სამი საბავშვო ბაღიდან წელს, ზაფხულის არდადეგებთან დაკავშირებით, არც ერთი მათგანი არ დაიკეტება და მთელი ზაფხულის განმავლობაში ჩვეული რიტმით განაგრძობს მუშაობას! უფრო მეტიც, შევეცდებით, რომ მომავალში სხვა საბავშვო ბაღებშიც ზაფხულის სეზონზე არ დაიკეტოს!“ - ეს განცხადება სკოლამდელი და სკოლისგარეშე სააღმზრდელო ცენტრის დირექტორმა მურად ოზაშვილმა საბავშვო ბაღების დირექტორებთან ერთ-ერთი შეხვედრისას გააკეთა. აღნიშნული ფაქტი, როგორც ბაღის მასწავლებლებისთვის, ასევე მშობლებისთვის სასიხარულო ცნობა აღმოჩნდა. მოგვეხსენება, ეკონომიური კრიზისისა და ზაფხულის სეზონზე ბავშვთა რაოდენობის

სიმცირის გამო, წლების მანძილზე სოფლების და რაიონის ორი საბავშვო ბაღი ორი ან სამი თვით იკეტებოდა და მხოლოდ ერთი, - №2 საბავშვო ბაღი ფუნქციონირებდა. ეს გარემოება კი, ყველაზე ცუდად მოშობლების სამუშაო რეჟიმზე აისახებოდა. განსაკუთრებით უჭირდათ იმ დედებს, რომლებიც საჯარო სამსახურებში მუშაობას ზაფხულშიც განაგრძობდნენ. ამიტომ, ზაფხულის სეზონზე დროებით დახურული საბავშვო

ბაღების აღსაზრდელების მშობლებს დიდი გარჯა უწევდათ, რომ №2 საბავშვო ბაღში ეტარებინათ პატარები, სადაც

ის სახსრები, რომ ქალაქ დედოფლისწყაროს ტერიტორიაზე განთავსებულ ბაგა-ბაღების მუშაობას მანაც არ ჰქონოდა შეფერხება დროს უამრავ საქმეს ვაკეთებდი- სახლში კი, უამრავ დროს და საბავშვო ბაღში ბავშვები ათას რამეს სწავლობენ, თამაშობენ და, თქვენ ნარმოიდეგინეთ, ყველაზე კარგად მიირთმევენ ცხელ კერძებს, ვიდრე სახლში, ამასთან იმედია ვარ, რომ არანაირ საფრთხეს არ გადაეყრება. ასე რომ, დიდი სიხარულით შევხვდი ამ ამბავს და მადლობას ვუხდით ყველა ემუშავა. ალნიშნული როგორც მურად ოზაშვილისგან შევიტყვეთ, ის იმედს გამოთქვამს, რომ რაიონის ბაღები ამიერიდან არც ერთ ზაფხულს არ დაისვენებენ, უფრო მეტიც, არ გამოირიცხავს, რომ იმ სოფლების ბაგა-ბაღებიც ამუშავდება ზაფხულობით, სადაც ბავშვთა მაღალი კონტიგენტი დაფიქსირდება.



სწავლება კვლავ გრძელდებოდა, ან ბავშვებს სახლში ტოვებდნენ. წელს მუნიციპალიტეტის ხელმძღვანელობამ გამონახა

სახლეობა დადებითად შეხვდა. „უმუშევარი ვარ, მაგრამ ზაფხულის არდადეგებზე ბაღიდან დათხოვნა ძალიან არასა-

ლალი მხრიშვილი

კახეთში რთველი 20 აგვისტოდან დაიწყება

კახეთში, ალაზნისპირა სოფლებში საბათლოში, სამთაწყაროსა და ფიროსმანში რთველის დაწყებას 20 აგვისტოდან ვარაუდობენ. როგორც გლეხებმა კახეთის საინფორმაციო ცენტრს აცნობეს, ყურძენი უკვე მწიფეა და შაქრიანიობას უახლოეს დღეებში გაზომავენ. „წელს ამინდმა ხელი შეგვიწყო და კარგი ყურძენი მოვიდა, საშუალოდ ჰექტარზე 5 ტონა მოსავალს ველოდებით“, - განუცხადა კახეთის საინფორმაციო ცენტრს სოფელ სამთაწყაროს ტერიტორიული ორგანოს რწმუნებულმა პაატა ნადირაშვილმა. „ყურძენი მწიფობაშია შესული. სავარაუდოდ 20 აგვისტოდან რთველი უკვე

დაიწყება“, - აღნიშნა სოფელ ფიროსმანის ტერიტორიული ორგანოს რწმუნებულმა დავით გუნდაძემ. ჯერ არ არის ცნობილი, რამდენი ათასი ტონა ყურძენის მოსავალია კახეთში მოსალოდნელი. მუნიციპალიტეტების გამგეობები მონაცემებს ითვლიან. როგორც ცნობილია, 19 ივლისს მოსულმა ძლიერმა სეტყვამ თელავის, გურჯაანის, ყვარლის და ლაგოდეხის რაიონის ზოგიერთ სოფელში მოსავალი მთლიანად ან ნაწილობრივ გაანადგურა. ღვინის ქარხნებში ჯერ ვერ აკონკრეტებენ ყურძენს რა ფასად ჩაიბარებენ. პრეზიდენტმა სააკაშვილმა უკვე რამდენჯერმე განაცხა-

და, რომ წელს კახეთში სანიმუშო რთველი უნდა იყოს. 2011 წელს, კახეთში ყურძენის მოსავალმა 113 506 ტონა შეადგინა. აქედან 82 179 ტონა რქაწითელი, 26 236,5 ტონა საფერავი, 5 090,5 ტონა კი სხვადასხვა ჯიშის ყურძენი იყო, მათ შორის ჰიბრიდული. რთველის სუბსიდირებისთვის სახელმწიფო ბიუჯეტიდან 10 მილიონი ლარი გამოიყო. ქარხნებმა რქაწითელის ჯიშის ყურძენი 45-50 თეთრად, საფერავი კი 60-65 თეთრად ჩაიბარეს. აქედან რქაწითელზე სუბსიდია 15 თეთრი, საფერავზე კი 25 თეთრი იყო. საქართველოს პრემიერ-მინისტრიც შეუერთდა პრეზიდენტის განცხადებას და აღ-

ნიშნა, რომ საქართველოს მთავრობა რთველისთვის განსაკუთრებით ემზადება- წელს კახეთში გამორჩეული რთველი

იქნება და ყველა მევენახე კმაყოფილი დარჩება-განაცხადა ვანო მერაბიშვილმა.



შვეიცარია მცირე ფერმერებს განვითარებაში დაეხმარება

10 აგვისტოს, დედოფლისწყაროს ფერმერთა მომსახურების ცენტრში (რუსთაველის ქ.№24) შეხვედრა გაიმართა. პროექტი „საბაზრო შესაძლებლობები საარსებო პირობების გასაუმჯობესებლად — „MOLI კახეთში“ ორიენტირებულია მესაქონლეობის განვითარებაზე კახეთის რეგიონში დაინტერესებულ მხარეებს პროექტის დეტალებს აცნობს.

შეხვედრაზე მიმდინარე პროექტის ირგვლივ ისაუბრეს. დამსწრე აუდიტორიას მიენოდათ დეტალური ინფორმაცია პროექტის სამოქმედო გეგმებისა და მათთან თანამშრომლობის პერსპექტივების შესახებ.

დედოფლისწყაროში პროექტის კანადელი ხელმძღვანელი ენდრიუ ვოლსონი იმყოფებოდა. პრეზენტაციას დაინტერესებული ფერმერები დედოფლისწყაროს ყველა სოფლიდან დაესწრნენ.

როგორც პროექტის პრეზენტაციისას გაირკვა, პროექტი 4 წლიანია.

ენდრიუ ვოლსონი (პროექტის ხელმძღვანელი): „მესაქონლეობასთან დაკავშირებული პირებისთვის პროექტი „MOLI - კახეთში“ გასული წლის ნოემბერში დაიწყო, ამ დრომდე მოსამზადებელი პერიოდი მიმდინარეობდა.

ახლა კი, მიმდინარე წლის ივლისიდან ძირითადი ფაზა დაიწყო, რომელიც 40 თვეს გასტანს. ის შვეიცარიული არასამთავრობო ორგანიზაცია HEKS EPER-ს მიერ კახეთის სამ რაიონში დედოფლისწყაროში, სიღნაღსა და საგარეჯოში განხორციელდება. პროექტის განხორციელების დროს შვეიცარიულ მხარეს პარტნიორობას გაუწევს საქართველოს ბიზნეს საკონსულტაციო ორგანიზაციების ასოციაცია. პროექტის დაფინანსება 100%-ით უზრუნველყოფილია შვეიცარიის განვითარებისა და თანამშრომლობის სააგენტოს მიერ. „ამოქმედებ ბაზარი ღარიბებისთვის“ მიზნად ისახავს მცირე და საშუალო ფერმერების ხელშეწყობას. ანუ, დავეხმარებთ მათ, ვისაც 100 სულზე ნაკლები საქონელი ჰყავს. თუმცა,

მათ ვეხნარებით არა პირდაპირ, არამედ - ირიბად. არა პირდაპირ, თუმცა ცალკეულ პროგრამებს გავატარებთ: საძოვარ ტრასებზე, ბუნებრივი რისკების შემცირებასთან დაკავშირებით



და ა.შ. ისეთი სამუშაოების გატარებას ვგეგმავთ, რა დროსაც ადგილობრივ თვითმმართველობებთან მუშაობაც მოგვინევს. ანუ, ფერმერს ერთჯერადად ყველაფერს არ დაუფინანსებთ. დახმარება ეტაპობრივად მოხდება. შემდეგ მონიტორინგს ჩავატარებთ და თუ შედეგები წარმატებული იქნება, მაშინ თანამშრომლობა გაგრძელდება.

ჩვენ კახეთის სამ რაიონში 1 200 საოჯახო მეურნეობის წარმომადგენელი გამოვკითხეთ და მათი პრობლემები შევისწავლეთ. ვფიქრობთ, რომ ადგილობრივი თვითმმართველობის წარმომადგენლების ჩართვის გარეშე ვერ ვიმუშავებთ. მოგეხსენებათ, რომ მთავრობა გავლენას ახდენს ბიზნეს გარემოზე და გარკვეულ საკითხების განწყვეტაში ერთადერთი საშუალებაა, მე ფერმაში გავიზარდე, რომელიც

ქალაქგარეთ მდებარეობდა. სამწუხაროდ, ფერმა მივატოვე, სასწავლებლად წავედი და იქ აღარ დავბრუნებულვარ. თუმცა, დღეს ამ სფეროში აქტიურად ვარ ჩართული. ისევ ამ სფეროს და მის

განვითარებას ვემსახურები. უნდა ვიზრუნოთ იმაზე, რა შეგვიძლია გავაკეთოთ ერთმანეთისთვის და ფერმერთა კეთილდღეობისთვის. გვინდა, რომ გამდიდრდეთ და ფერმერთა შემოსავლებმა იმატოს. ამისათვის კი აუცილებელია შევიმუშაოთ კონკრეტული სამოქმედო გეგმა. მინდა გითხრათ, რომ ამ გეგმის პარალელურად ტრენინგები ჩატარდება. მსურველ ფერმერებზე დამოკიდებული, როგორ და რა სახით ითანამშრომლებენ ამ პროექტთან. შემდგომში ჩვენი მონაწილეობა იქნება მიმდინარე სამუშაოს მონიტორინგი. თუ დავინახავთ, რომ სისტემა გამართულად ამუშავდა და საქმე აწყო ამ შემთხვევაში უკვე ინვესტირებას დავინყებთ. შესაძლებელია, მომავალში რაიონულ დონეზე შედგეს შეხვედრები, ჩვენს, ფერმერებსა და ადგილობრივ ხელისუფლებას

შორის.“

დეტალების აცნობის შემდეგ ყველა ფერმერმა ორგანიზაციის სპეციალური ანკეტა შეავსო, სადაც მათი სამუშაო პირობები, საჭირო და აუცილებელი პროცედურები და საკონტაქტო ინფორმაცია დაფიქსირდა.

პრეზენტაციის დასრულების შემდეგ გაზეთი „შირაქს“ მხარეებს გაესაუბრა. პროექტის ხელმძღვანელის მოადგილე ალექსანდრე ლოლობერიძე ფერმერების დაინტერესებით კმაყოფილია.

„ფერმერების მხრიდან საკმაოდ მაღალი ინტერესი წამოვიდა. დედოფლისწყარომდე მსგავსი შეხვედრა სიღნაღის რაიონის ქალაქ წნორში ჩავატარეთ. მინდა ვთქვა, რომ საკმაოდ ბევრი ფერმერი დაინტერესდა. დედოფლისწყაროში 25 ბიზნეს-წარმომადგენელი გვეწვია. ჩვენ ვთვლით, რომ ეს არ არის სრული მაჩვენებელი და დედოფლისწყაროდან კიდევ გამოგვეწვიოთ. ამ კუთხით მუშაობას გავაგრძელებთ, თუმცა არ გვინდა თანამშრომლობა იყოს იძულებითი. ამის სურვილი და მყარი მოტივაცია უნდა ჰქონდეს პირველ რიგში,“ - აღნიშნავს ალექსანდრე ლოლობერიძე

შეხვედრის დასრულების შემდეგ შეფასებები გააკეთეს და სამომავლო გეგმებზე ისაუბრეს ადგილობრივმა ფერმერებმა. ფერმერი ნიკო ბენიაიძე და სხვები პროექტში ჩართვას გეგმავენ.

„მოგეხსენებათ, დედოფლისწყარო მესაქონლეობის რაიონია და რა თქმა უნდა წარმოდგენილი პროექტი ყველასთვის საინტერესო იქნება. ცნობილია, რომ 180 000 ჰექტარია, საიდანაც ათვისეული ძალიან ცოტაა. ვნახოთ, ალბათ სიკეთეს მოუტანს ჩვენს რაიონს. ცალკეულად ფერმერებს ვერ დაეხმარებიან, მაგრამ თუ ერთობლივად მოხდება მუშაობა, შედეგიც დადებითი დადგება. ვფიქრობ, რომ ეს ყველაფერი ხალხზეა გათვლილი,“ - განუცხადა გაზეთ „შირაქს“ ნიკო ბენიაიძემ.

პროექტს დადებითად აფასებს საქართველოს მეცხვარეთა ასოციაციის ხელმძღვანელი ბექა გონაშვილიც.

ილია მარტყოფლიშვილი

დასაქმებულ სტუდენტთა რიცხვი 70-მდე გაიზარდა

სტუდენტთა დასაქმების პროგრამა საზაფხულო არდადეგებზე „Summer Job“-ის ფარგლებში წელს დედოფლისწყაროს მუნიციპალიტეტში 70-მდე ახალგაზრდა დასაქმდა. როგორც „შირაქს“ გააკვირა, ისინი ძირითადად მოქალაქეთა გამოკითხვის პროცესში ჩაერთვნენ.

საცხოვრებელი პირობების კვლევის პროცესში თავდაპირველად 30 დედოფლისწყაროელი სტუდენტი დასაქმდა,

თუმცა, როგორც თავად სტუდენტებმა გაზეთ „შირაქს“ განუცხადეს მათ კიდევ 40 სტუდენტი დაემატათ.

გამგეობის შენობაში მათთვის გამოყოფილ სამუშაო კაბინეტში მისულებს სამუშაო ვითარება დაგვიხდა. სტუდენტთა დასაქმების პროგრამის მონაწილეთა კურირებას დედოფლისწყაროს გამგებლის მოადგილე ემზარ ჯანაშვილი ახდენს. ჯანაშვილი „შირაქსთან“ საუბარში ადასტურებს, რომ ჯგუფს 40-მდე ახალგაზრდა დაემატა. ისინი გამგეობის კულ-

ტურის, განათლების, სპორტის, ძეგლთა დაცვისა და ახალგაზრდულ საქმეთა სამსახურის მთავარი სპეციალისტის მერი საბაშვილის კაბინეტში იმუშავენ.

გაზეთ „შირაქსის“ ინფორმაციით, დასაქმების პროგრამა ერთ თვეს გაგრძელდება და სტუდენტები ანაზღაურების სახით 500 ლარს მიიღებენ.

პროექტში „Summer Job“ მონაწილეობის მსურველთა დამატებითი რეგისტრაცია 4 ივნისს დილის 9 საათზე დაიწყო და 20 წუთში დასრულდა. სტუდენტებისთვის ვაკანტური 1 500-ზე მეტი ადგილი იყო შეთავაზებული. დროის ასეთ მცირე მონაკვეთში ადგილების შესება იმაზე მეტყველებს, რომ პროექტი მოთხოვნადაა და სტუდენტების დიდ დაინტერესებას იწვევს, - აცხადებენ განათლების სამინისტროში.

პროგრამაზე „Summer Job“ სტუდენტთა რეგისტრაციის პირველი ეტაპი 20 მარტიდან დაიწყო და ინტერნეტით, დასწრების პრინციპით, განხორციელდა. ის დარეგისტრირებული სტუდენტები, რომლებიც დროულად არ გამოცხადდნენ დამსაქმებლებთან შრომითი ხელშეკრულების გასაფორმებლად, ავტომატურად პროექტს გამოეთიშნენ. ასეთი სტუდენტების რიცხვი 7%-ზე ნაკლებია.

გამოთავისუფლებულ სამუშაო ადგილებზე საქართველოს განათლებისა და მეცნიერების სამინისტრომ 4 ივნისს დამატებითი რეგისტრაცია გამოაცხადა.

დამატებით რეგისტრაციამდე სტუდენტებს შესაძლებლობა ჰქონდათ წი-

ნასწარ შეერჩიათ დარჩენილი ვაკანსიებიდან სასურველი სამუშაო ადგილი. ვაკანსიების შესახებ ინფორმაციის მოძიება მათ პროექტის ვებგვერდზე შეეძლოთ.

საქართველოს პრეზიდენტის მიერ ინიცირებული პროექტი „Summer Job“ საქართველოში წელს პირველად ხორციელდება. პროექტი საქართველოს მთელ ტერიტორიაზე ზაფხულის არდადეგების პერიოდში 20 ივლისს ამოქმედდება და 20 აგვისტომდე გასტანს. მასში მონაწილეობა საქართველოში ავტორიზებული უნივერსიტეტების ბაკალავრიატის სტუდენტებს შეუძლიათ. პროექტის ფარგლებში ოცდახუთი ათასი სტუდენტი დასაქმდება და მათი ხელფასი 500 ლარი იქნება.

სტუდენტები სამოცდაათამდე სფეროში დასაქმდებიან, კერძოდ: სახელმწიფო დაწესებულებებში, ბიზნეს და არა-სამთავრობო სექტორებში, იურიდიულ კომპანიებში, მუზეუმებში, საავადმყოფოებში, თვითმმართველობის ორგანოებში და ა.შ. საპრეზიდენტო პროექტში სახელმწიფო უწყებები და კერძო სექტორია ჩართული.

პროექტის „Summer Job“ მიზანია, სტუდენტებმა კვალიფიკაციის ამაღლება და გამოცდილების მიღება შეძლონ. გამომუშავებული თანხით კი საკუთარი სწავლა დააფინანსონ ან შემეცნების, მოგზაურობის, დასვენებისათვის და ა.შ. საკუთარი სურვილისამებრ გამოიყენონ. ამგვარი პრაქტიკა დაწერგლია და წარმატებით ხორციელდება დასავლეთის ქვეყნებში.

ილია მარტყოფლიშვილი



დიდგორით დიდი გული აქვს ქართველს...

დიდგორი საქართველოს სიამაყის და გამარჯვების სიმბოლოა. ქართველი ერი 12 აგვისტოს ყოველთვის იკრიბება დიდგორის ველზე და პატივს მიაგებს იმ გმირებს, რომელთაც თავიანთი თავგანწირვით საქართველოს გამარჯვება და ისტორიული „ოქროს ხანა“ მოუტანეს.

საქართველოს პრეზიდენტი 12 აგვისტოს დიდგორის ველზე იმყოფებოდა, სადაც დიდიდან საზეიმო ღონისძიებები მიმდინარეობდა. მიხეილ სააკაშვილმა დიდგორის დღესასწაულზე შეკრებილ მოსახლეობას მიმართა და იმ 5 მთავარ პრინციპზე გაამახვილა ყურადღება, რომელიც მისივე თქმით, საქართველოსთვის აქტუალური იყო დავით აღმაშენებლის დროსაც და, როგორც არასდროს, აქტუალურია დღესაც - ერთიანობა, თავისუფლების მოყვარეობა და შეუპოვრობა, აღმშენებლობა, რეფორმები და გამარჯვება, რომელიც ნებისმიერ ფასად უნდა მოიპოვოს ქვეყანამ.

“ჩვენი დიდგორი ჯერ კიდევ წინ არის! ჩვენ აუცილებლად მივიყვანთ საქმეს ბოლომდე, აუცილებლად გავიმარჯვებთ, აუცილებლად გავაერთიანებთ საქართველოს და აუცილებლად გვექნება ბედნიერი მომავალი!” - განაცხადა საქართველოს პრეზიდენტმა.

ისტორიული ქსკპრსი

დიდგორის ბრძოლა ან ძლევა საკვირველი (1121 წლის 12 აგვისტო), ქართველთა ბრძოლა დავით IV აღმაშენებლის მეთაურობით თურქ-სელჩუკთა კოალიციური ლაშქრის წინააღმდეგ დიდგორის ველზე (მანგლისის მახლობლად, თბილისის მისაღვომებთან).

XI-XII საუკუნეების მიჯნაზე ქართველთა წმინდა მეფის დავით აღმაშენებლის მიერ გატარებულმა გაბედულმა პოლიტიკამ თანდათან თურქ-

სელჩუკებისაგან გამოიხსნა დარბეული, გაპარტახებული ქვეყანა: 1092 წელს დავით IV-მ ხარკი შეუნყვიტა სულთანს, შემდეგ შეუდგა ქართული მიწა-წყლის სრული გაერთიანებისათვის ბრძოლას, აიღო ზედაზენი, შემოიერთა კახეთ-ჰერეთი, სამშვილდე, გიში, რუსთავი, ლორე. დამპყრობელთა ხელში თბილისი და დმანისი რჩებოდა.



ჩრდილოეთში, საქართველოს სახით, ახალი სამხედრო და პოლიტიკური ძალის აღზევება, მაშინ როდესაც დასავლეთით ახლად შექმნილ ჯვაროსნულ სახელმწიფოებთან განუწყვეტელი ომი მიმდინარეობდა, მეტად სასიფათო იყო თურქ-სელჩუკებისათვის. საინტერესოა, რომ ამ დროს მცირე აზიაში ძალთა მყიფე თანაფარდობა სუფევდა, რადგან არც მუსლიმანებს, არც ჯვაროსნებს შორის ერთობა, ერთიანი ხელმძღვანელობა არ არსებობდა. მაგრამ, როდესაც

სხვადასხვა სელჩუკ და არაბებს სახელმწიფოებს შორის გაერთიანება შედგა, მისი პირველი დარტყმა საქართველოს წინააღმდეგ მიიმართა. როგორც ჩანს სულთან მაჰმუდ II-სა და მის მოკავშირეებს სურდათ სწრაფი იერიშით დაემარცხებინათ, გაენადგურებინათ დავით IV, რათა ჩრდილოეთიდან დაცულებს შეერთებული ძალები ჯვაროსნების წინააღმდეგ მიემართათ.

ბრძოლა

სელჩუკებს ართუიკი ნაჯმ ად-დინ ილლაზი სარდლობდა, რომელსაც დიდი სახელი ჰქონდა მოპოვებული ჯვაროსნებთან ბრძოლებში.

მაჰმადიანთა ლაშქრის რაოდენობა სხვადასხვა ცნობების მიხედვით მერყეობს 250-300 ათასიდან (სომხური და თურქული წყაროების თანახმად) 500-600 ათასამდე (არაბული, სპარსული ქართული და ევროპული წყაროების თანახმად).

მოკავშირეთა დარტყმა სწრაფი, გადამწყვეტი, თავზარდამცემი უნდა ყოფილიყო. სწორედ ამიტომ შეკრიბეს საუკეთესო ცხენოსანი მეომრები ეგვიპტედან კავკასიამდე. თურქული კავალერია იმ დროის განთქმული სამხედრო ძალა იყო.

დავით IV-ის განკარგულებაში 56 ათასი მეომარი იყო. ამათგან 40 ათასი ქართველი,

წინ ქართველთა მხრიდან 200 მხედარი მტრის ბანაკისაკენ გაემართა; მაჰმადიანებს ისინი მოლაღატენი ეგონათ და თავის ბანაკში შეუშვეს, სადაც მათ მოულოდნელი იერიში მიიტანეს მტერზე. კოალიციური ლაშქრის საბრძოლო წყობა დაირღვა.

ამ დროს ქართველთა ლაშქარმა მტერს ორი მხრიდან შეუტია - დასავლეთიდან დავითი, ხოლო დიდგორის მთიდან დემეტრე გადავიდა შეტევაზე. ქართველი რაინდები და მათი თანამებრძოლები წინა აზიის საუკეთესო მხედრობას შეეხებნენ.

უალრესად სისხლისმღვრელი შეტაკება მხოლოდ სამ საათს გაგრძელდა. ილლაზის ლაშქარი სასტიკად დამარცხდა და უკუიქცა. ამით ბრძოლა არ დასრულებულა. დამარცხებულებს თბილისისა თუ დმანისისათვის თავის შეფარებისა და ძალების აღდგენის საშუალება არ მისცეს. დევნა 8 დღეს გაგრძელდა...

საქართველოში ლაშქრობამ მაჰმადიანთა მხედრობის 90% შეინარა. დაჭრილმა ილლაზიმ, რამდენიმე სარდალსა და ოციოდე მხედართან ერთად, გაქცევა მოახერხა.

დიდგორის ბრძოლას უდიდესი პოლიტიკური და სამხედრო მნიშვნელობა ჰქონდა: ერთის მხრივ მაჰმადიანთა მძლავრი კოალიცია დაირღვა, მისი ლაშქარი კი პირწმინდად განადგურდა. მეორეს მხრივ გაოცებულ თანამედროვეებს საქართველო წარუდგა, როგორც რეგიონის ერთ-ერთი უძლიერესი სახელმწიფო.

ამ გამარჯვებამ შესაძლებელი გახადა ქვეყნის საბოლოო გათავისუფლება (1122 წელს თბილისი, 1123 წელს კი დმანისი სამეფოს შეუერთდნენ) და დასაბამი მისცა ოქროს ხანას საქართველოს ისტორიაში.

ნიშანდობლივია, რომ კიდევ ასი წლის განმავლობაში საქართველო არც ერთ მნიშვნელოვან ბრძოლას არ წააგებს.

აფხაზეთის ომის დაწყებიდან 20 წელი გავიდა

აფხაზეთში საომარი მოქმედებების დაწყებიდან დღეს 20 წელი შესრულდა. სამხედრო დაპირისპირება აფხაზეთში 1992 წლის 14 აგვისტოს დაიწყო და 13 თვის განმავლობაში გრძელდებოდა.

სეპარატისტთა მხარეს იბრძოდნენ ადგილობრივი სომხები, დაქირავებული მებრძოლები ჩრდილოეთ კავკასიიდან,

კაზაკთა შეიარაღებული მილიციის მეომრები, რომელთაც არაოფიციალურად მხარს უჭერდა რუსეთის სამხედრო ბაზის გარნიზონი გუდაუთაში.

სოჭი-ინგილის სარკინიგზო მონაკვეთის დასაცავად აფხაზეთის ტერიტორიაზე შესულ საქართველოს თავდაცვის სამინისტროს ეროვნულ გვარდიას აფხაზეთის უმაღლესი

საბჭოს თავმჯდომარის, ვლადისლავ არძინბას განკარგულებით შექმნილმა “აფხაზურმა გვარდიამ”, ოჩამჩირის რაიონის სოფელ ოხურეისთან და სოხუმში ცეცხლი გაუხსნა, რასაც აფხაზეთში საომარი მოქმედებების დაწყება მოჰყვა.

სამხედრო მოქმედებები 1993 წლის 27 სექტემბერს, სოხუმის დაცემით და სა-

ქართველოს შეიარაღებული ძალების დამარცხებით დასრულდა.

აფხაზურ-რუსულმა შენაერთებმა მდინარე ენგურის გასწვრივ პოზიციები 1993 წლის 30 სექტემბერს დაიკავეს. აფხაზეთის თვითაღიარებული რესპუბლიკის ხელისუფლება “საქართველოზე გამარჯვებისა და აფხაზეთის

დამოუკიდებლობის დღეს“ ყოველი წლის 30 სექტემბერს აღნიშნავს. კონფლიქტის შედეგად დაიღუპა ათასობით ქართველი, ხოლო 250 ათასზე მეტი ადამიანი აფხაზეთიდან ლტოლვილი გახდა. კონფლიქტის განმავლობაში დაიღუპა დაახლოებით 3 ათასი აფხაზი, 20 ათასი აფხაზი კი ლტოლვილად იქცა.



ახალგაზრდობის დღე დედოფლისწყაროშიც ტრადიციად იქცევა

გაეროს მიერ შემოღებული ახალგაზრდობის საერთაშორისო დღე 12 აგვისტოს საქართველოშიც აღნიშნეს. გაეროს ინიციატივით მსოფლიო 1999 წლიდან ყოველ 12 აგვისტოს აღნიშნავს ახალგაზრდობის საერთაშორისო დღეს. მართალია, აგვისტოში ყველა უნივერსიტეტში, სკოლაში საზაფხულო არდადეგებია, მაგრამ თითქმის ყველა ქვეყანაში მოქმედებს საზაფხულო ახალგაზრდული ბანაკები, სადაც, როგორც გაეროს ერთ-ერთ რეზოლუციაშია აღნიშნული, "ახალგაზრდებს ეძლევათ დასვენების და შემოქმედების საშუალება". სიტყვა "შემოქმედება" ყოველთვის აქტუალურია: 1999 წლიდან, როცა ახალგაზრდობის საერთაშორისო დღე დაწესდა, დღემდე დღესასწაულის ორგანიზატორები იგონებენ განსხვავებულ თემებს, რომელსაც ეს დღე უძღვნება. გაგახსენებთ, რომ მსოფლიოში დღეს სამი მილიარდი ადამიანი ცხოვრობს, რომელთა ასაკი 25 წელზე ნაკლებია, და აქედან ნახევარ მილიარდზე მეტი სიღარიბის ზღვარს ქვევით ცხოვრობს - არა აქვს საშუალო და არა აქვს სწავლის საშუალება. 12 აგვისტოს მსოფლიოს ამ ახალგაზრდობის პრობლემებს ახსენებენ. გარდა ამისა, ამ დღეს

ახალგაზრდები ირჩევენ თემებს, რომლებიც მათ საშუალებას აძლევს გამოხატონ თავიანთი პოზიცია კულტურული კლიშეების მიმართ, იმ სტერეოტიპების მიმართ, რომლებიც საზოგადოების განვითარებას უშლის ხელს და ზღუდავს, პირველ რიგში, ახალგაზრდობას.

ახალგაზრდობის საერთაშორისო დღესთან დაკავშირებით 12 აგვისტოს დედოფლისწყაროში მცხოვრები ახალგაზრდები განსაკუთრებულად ემზადებოდნენ. მოზარდები კულტურის სახლში შეიკრიბნენ და ერთობლივი ძალებით კონცერტი გამართეს. ღონისძიება საღამოს 18:00 საათზე დაიწყო.

როგორც გაირკვა, ეს პირველი შემთხვევა იყო, როცა ადგილობრივმა ახალგაზრდობამ საკუთარი დღე დედოფლისწყაროში ოფიციალურად აღნიშნა და ღონისძიებაც მიუძღვნა.

როგორც ორგანიზატორებმა გაზეთ „შირაქს“ განუცხადეს, ამ დღის აღნიშვნისა და მისი ტრადიციად ქცევის იდეა მას შემდეგ გაჩნდა, რაც რამდენიმე დღის წინ 30-მდე დედოფლისწყაროელმა ახალგაზრდამ ყვარელში ტრენინგი გაიარა და სხვადასხვა სახის აქტივობების დაგეგმვის პროცესი შეისწავლა.

ტრენინგიდან დაბრუნებულ ბმა კი გადაწყვიტეს, ორიოდ დღეში დანიშნულ ახალგაზრდობის საერთაშორისო დღეს თავადაც გამომხატონ და ნელინადმი ერთხელ საკუთარი თავისთვის დღესასწაული მოიწყონ. იდეა ყველამ აიტაცა, ნიჭიერი და აქტიური თანატოლები შემოიკრიბეს და უფროსების დახმარების გარეშე საკონცერტო პროგრამაც შეადგინეს. საღამოზე მონაწილეობას ქალაქ დედოფლისწყაროს და რამდენიმე სოფელში მცხოვრები აქტიური ახალგაზრდებიც იღებდნენ. თავად უკრავდნენ, თავადვე მღეროდნენ და კულტურის სახლის დარბაზში მსხდომი მსმენლების გამხიარულებასა და გააქტიურებასაც სახალისო კითხვებით თავადვე ცდილობდნენ. ვფიქრობ, მშვენივრად მოახერხეს კიდეც.

სცენაზე პირველად გამოსვლის საშუალება მიეცათ დედოფლისწყაროელ, ახალგაზრდა პარკურის მიმდევრებს. ისინი მოსახლეობამ თავდაპირველად გაზეთ „შირაქს“ ფურცლებიდან გასული წლის 7 ოქტომბრის ნომერში დეტალურად გაიცნო. ვრცელი სტატია შირაქმა გასული წლის დაბეჭდა. ჯგუფს უკვე სახელწოდებაც აქვს - „G.p klan“, რაც ასე იმთავრება Georgian parkour klan. მათმა სასცენო ნომერმა მსმენლების განსაკუთრებული მოწონება დაიმსახურა, რასაც ყოყინითა და აპლოდისმენტებით გამოხატავდნენ. სხვათაშორის, უნდა ითქვას, რომ პარკურისტები საქართველოს რეგიონებში ძალზე იშვიათად გვხვდებიან, ამ მხრივ დედოფლისწყარო სასიამოვნო გამოწვევისაა, სადაც სპორტის ამ სახეობას საკმაოდ ბევრი მოზარდი მისდევს. როგორც მათი თანაგუნდელი ნიკა იაკობიშვილი „შირაქსთან“ საუბარში ამბობს, მისი რეჟისორობით უახლოეს მომავალში ახალი ვიდეო-კლიპის გადაღებას გეგმავენ.

სცენაზე დაუკრეს თაზო ლაპიაშვილმა, გიორგი აგლაძემ და სხვებმა.

„მთელი დედოფლისწყაროდან აქტიურმა ახალგაზრდებ-



მა გადაწყვიტეთ ამ დღესთან დაკავშირებით ჩვენი რაიონის ახალგაზრდობისთვის საინტერესო დღე გვეწყობინა და ღონისძიება ჩაგვეტარებინა. ამ იდეის განხორციელებაში დედოფლისწყაროს გამგეობაც დაგვეხმარა და მონაწილე ბავშვების ტრანსპორტირებაში გვერდით დაგვიდგა. იმის გამო, რომ ზაფხულის სეზონის გამო ანსამბლები სრული შემადგენლობით რაიონში ამ დროისთვის არ იმყოფებიან და ერთობლივი ნომრები ვერ შესრულდებოდა, სურვილი გავჩინდა, ცოტა განსხვავებული პროგრამა შეგვედგინა. მოვამზადეთ შედარებით უცხო ნომრები. მაგალითად ელექტრო გიტარაზე დაკვრა, თანამედროვე ცეკვა, ასევე ქართული ცეკვები და სიმღერები... გარდა ამისა, მსურველებს ასევე შეეძლოთ ლექსის წაკითხვა პოეზიის საღამოზე. ჩვენთან იყვნენ ზემო მარხაანის, ქვემო ქედისა და სხვა სოფლების ნიჭიერი ახალგაზრდებიც. მსგავსი ღონისძიებების გამართვას მომავალშიც აქტიურად ვგეგმავთ, — განუცხადა „შირაქს“ საღამოს ერთ-ერთმა ორგანიზატორმა ნინო სეფიაშვილმა.

ადგილობრივები აცხადებენ, რომ დედოფლისწყარო-

ში ახალგაზრდობის საერთაშორისო დღის აღნიშვნა წელს პირველად ხდება. თინეიჯერების უმრავლესობამ ამ დღის არსებობის შესახებ პირველად შეიტყო.

საღამოს დასრულების შემდეგ კმაყოფილებას გამოხატავენ როგორც ახალგაზრდები, ისე ზრდასრულები, მათი მშობლები და პედაგოგები.

„ძალიან დიდი ენთუზიაზმით ემზადებოდნენ ამ დღისათვის და გულწრფელად გითხრათ გოცნებული და უზომოდ კმაყოფილი დავარჩი. საოცრად ლამაზი საღამო ჩატარდა და კარგი იქნება, თუ ასეთ ღონისძიებებს ხშირად გამართავენ. მისასალმებელია, თუ ახალგაზრდობის საერთაშორისო დღის აღნიშვნა დედოფლისწყაროშიც ტრადიციად იქცევა,“ — განუცხადა „შირაქს“ ნინო ფხაკაძე-ლოლაშვილმა.

კონცერტი ულამაზესი ფეიერვერკით დასრულდა, ახალგაზრდები არ მალავდნენ, რომ საღამოს კვლავ ერთად შეკრებას და ამ დღის უკვე სუფრაზე აღნიშვნასაც გეგმავდნენ.

ილია მარტყოფლიშვილი



ლეღვის ფოთლების ნახარში + მზეზე წოლა = დამწვრობას და არა ნარუჯს

ზაფხულის სეზონთან ერთად მსუბუქად ჩაცმული ადამიანების რიცხვმაც იმატა. რაც შეეხება სეზონის აქტიურ თემას, ეს მუქი ფერის კანი და გარუჯვაა. გარუჯვის სურვილით შეპყრობილთა სია კი ძალიან დიდია და ადამიანები კანის მუქი ფერის მისაღწევად, სხვადასხვა გზებს მიმართავენ, იქნება ეს ტრადიციული თუ არატრადიციული.

რამდენიმე დღის წინ გავრცელდა ინფორმაცია, რომ 15 წლის გოგონამ ლეღვის ფოთლების ნახარში ტანზე წაისვა და მზეზე, გასარუჯად დაწვა. შედეგი კი სავალალო აღმოჩნდა, გოგონამ სხეულის დამწვრობა მიიღო, რის გამოც დამწვრობის ცენტრში მკურნალობა დასჭირდა. ანალოგიური გზით გარუჯვა 19 წლის გოგონამაც ცადა, რომელიც სხეულის დამწვრობით, საავადმყოფოში მიიყვანეს.

„ასეთი მეთოდების გამოყენება კატეგორიულად აკრძალულია. არ შეიძლება, რადგან დამწვრობასთან ერთად რიგი დავადებების გამოწვევა შეუძლია. აუცილებელია მზისგან დამცავი საცხების მოხმარება, რათა შემდგომი გართულებები იქნეს თავიდან აცილებული. ასეთი მეთოდები კი უფრო მეტად აჩქარებს პროცესს და შედეგად

კანის სერიოზულ დამწვრობას ვიღებთ. გამომდინარე იქიდან, რომ ადამიანმა კანის ფერის, საშუალებები, არატრადიციული გზებით გარუჯვის დაჩქარება დაუშვებელია. ამასთანავე, ასეთი საშუალებები ინვესტირებას იწვევს კანზე ლაქების მასიურ გაჩენას. არ შეიძლება მკარბხალიანობის შემთხვევაში მზისგულზე დიდი ხნით გაჩერება, მით უმეტეს ისეთი საშუალებებით კანის ფერის შეცვლა, რომელსაც არატრადიციულს და ხალხურს უწოდებენ.“ — აღნიშ-

ნავენ მედიკოსები.

გასარუჯი საშუალებების არატრადიციულ გზებზე რომ ვისაუბროთ, სია ძალიან დიდი და მრავალფეროვანი იქნება. არაბუნებრივი საშუალებაა სოლარიუმი, რომლის დონე და ხარისხი განაპირობებს კანის ფერსა და შესაძლო ზიანს. სპეციალისტები კი მხარს არასდროს უჭერდნენ გარუჯვას სოლარიუმის საშუალებით.

მიმდინარე წელს, დამწვრობის ცენტრმა ოცამდე გარუჯვის შედეგად მიღებული დამწვრობის მქონე პაციენტს უმკურნალა. სპეციალისტებმა, მზის მომატებული რადიაციის გამო, საზოგადოებას მაღალი სტანდარტების შესაბამის სოლარიუმში გარუჯვა ურჩიეს და ყოველგვარი არატრადიციული, „ხალხური“ გზები უარყვეს. წინააღმდეგ შემთხვევაში, ზემონახსენები უმძიმესი შემთხვევებისაგან დაზღვეული არავინ იქნება.



თვალისა და თმის ფერის შესაბამისად უნდა მოიხმაროს დამცავი

რომელსაც არატრადიციულს და ხალხურს უწოდებენ.“ — აღნიშ-

ფ ე რ ი ს ც ვ ა ლ ე ბ ა

ტროპარი:

მთასა ზედა ფერი იცვალე, ქრისტე ღმერთო, და უჩუენე მონაფეთა შენთა დიდებაჲ შენი ძალისაებრ მათისა და გამოგვიბრწყინვე ჩუენცამ ცოდვილთა ნათელი შენი მიუაჩრდილებელი, მეოხე-ბითა ღმრთისმშობელისათა ნათლისა მომცემლო უფალო, დიდება შენდა.

6(19) აგვისტოს მართლმადიდებელი ეკლესია მაცხოვრის ფერისცვალების დღესასწაულს აღნიშნავს, რომელიც 12 უდიდეს დღესასწაულთა რიცხვში შედის და უფალ იესო ქრისტეს ამქვეყნიური ცხოვრების ერთ-ერთ ცნობილ ეპიზოდს უკავშირდება. ფერისცვალების შესახებ მოგვითხრობენ მახარებლები მათე (XVII, 1-13), მარკოზი (VI, 2-13) და ლუკა (IX, 28-36).

უფალმა თავის მონაფეთაგან გამოირჩია პეტრე, იაკობი და იოანე და მათთან ერთად თაბორის მთაზე ავიდა სალოცავად. სანამ მაცხოვარი ლოცულობდა, დაღლილ მონაფეებს ჩაეძინათ. გაღვიძებისას ნახეს, რომ იესო ქრისტემ ფერი იცვალა: „და იცულა მათ წინაშე სხუად ფერად და განბრწყინდა პირი მისი ვითარცა მზე, ხოლო სამოსელი მისი იქმნა სპეტაკ ვითარცა ნათელი“ (მათე XVII, 2). ამ დროს მაცხოვრის გვერდით ზეციური დიდებით შემოსილი მოსე და ელია წინასწარმეტყველი იდგნენ, რომლებიც მაცხოვართან იმ ვნებისა და ტანჯვის შესახებ საუბრობდნენ, რაც მას იერუსალიმში მოელოდა. ამის მხანველი მონაფეები გამოუთქმელმა ნეტარებამ მოიცვა და პეტრემ წამოიძახა: „მოდუარ კეთილ არს ჩუენდა აქა ყოფა. და ვქმნეთ აქა სამ ტალავარ: ერთი შენდა, ერთი მოსესა და ერთი ელიასა“ (ლუკა IX, 33). ამ სიტყვების თქმის შემდეგ ნათელი ღრუბელი დაადგრა მათ, ხოლო ღრუბლიდან მოისმა ხმა ღვთისა: „ესე არს ძე ჩემი საყუარელი, რომელი მე სათნო ვიყავ. მაგისი ისმინეთ“ (მათე XVII, 5). შეშინებული მონაფეები პირქვე დაემხვნენ, მათთან იესო მივიდა, ხელი შეახო და უთხრა: „აღდევით და ნუ გეშინენ“ (მათე XVII, 7). როცა მათ მიმოიხედეს, მოსე და ელია აღარსად იყვნენ.

მთიდან ჩამოსვლისას მაცხოვარმა გააფრთხილა მონაფეები, რომ ეს ამბავი არა-

ვისთვის გაემხილათ, ვიდრე მკვდრებით არ აღდგებოდა.

თაბორის მთაზე ფერისცვალებით უფალმა მონაფეებს ხილული სახით უჩვენა თავისი ღმრთაებრივი დიდება - ღვთაებრივი, შეუქმნელი, მარადიული, ნათელი, უფრო ბრწყინვალე და წმიდა ვიდრე მზის სხივები, ნათელი, რომელიც მათ სულელებს სიხარულით, ზეციური სიმშვიდითა და ნეტარებით ავსებდა. მონაფეთა წინაშე გაცხადდა მარადიული სიცოცხლის საიდუმლო, ანუ ის სიცოცხლის საიდუმლო, რომელიც მარადიულადაა გაცისკროვნებული ღმრთაებრივი ნათლით, და ამგვარ გაცხადებას წმიდა დიონისე არეოპაგელმა „დროული მარადისობა“ უწოდა. XIV საუკუნეში დიდი დავა იყო თაბორის ნათლის შესახებ. კათოლიკური აზროვნება და კერძოდ მისი წარმომქმნელი - კალაბრიელი ბერი ვარლამი ამ ნათლის მარადიულობასა და შეუქმნელობას უარყოფდა და მას ქმნილებად, დროში შექმნილად მიიჩნევდა. ამის საპირისპიროდ ცნობილი წმიდა მამა გრიგოლ პალამა ამტკიცებდა, რომ თაბორის ნათელი ეს არის ღმრთაებრივი ძალა, ენერგია, სხვაგვარად რომ ვთქვათ ღმერთი, რომელიც სრულიად მიღმიურია ხილული სამყაროსი, ამავე დროს თავისი ენერგიებით, მაღლით ქმნის, იცავს და განმსჭვალავს მთელ ამ სამყაროს, რომ მაცხოვარმა თაბორზე მონაფეები სწორედ ამ ღმრთაებრივი ძალის ხილვის ღირსი გახადა და არა რაღაც ზებუნებრივი სინათლისა, რომელიც თითქოს სწორედ ფერისცვალების სასწაულისათვის შეიქმნა. როგორც ამას ვარლამი ამტკიცებდა. ამ დავას გამოეხმაურნენ ათონელი ბერებიც, რომელნიც



უდიდესი ასკეტური ღვაწლის წყალობით თვითონ გახდნენ ღირსნი, საღვთო ნათელს გაენათებინა მათი გულელები. მათ კონსტანტინეპოლში გაგზავნეს „ტომოსი“, რომელშიც ადასტურებდნენ თაბორის ნათლის მარადიულობასა და ღმრთაებრიობას, კონსტანტინეპოლის ადგილობრივმა საეკლესიო კრებამ 1351 წელს დაგმოვარლამის მცდარი სწავლება, ხოლო გრიგოლ პალამას შეხედულებები მართლმადიდებლურად აღიარა. თეოდორე ხარანელი მოგვითხრობს რა უფლის ფერისცვალების შესახებ თავის ქადაგებაში, პარალელს ავლებს მაცხოვარსა და მოსეს შორის. როგორც ვიცით, სინას მთიდან ჩამოსვლისას მოსეს სახეც ისე ბრწყინავდა, რომ ისრაელიანებმა მასთან მისვლა ვერ გაბედეს (გამოსვლ. 34, 30).

წმიდა თეოფანე წერს: „გარნა, ხოლო მათგან ყოვლისა განსრულებისა მისისა იყო ბრყინვალეება მოსესი, რამეთუ პირი ხოლო მისი ბრწყინვიდა და შინაგან არ აქუნდა ბრწყინვალეება, ხოლო ქრისტესი ბრწყინვალეებაჲ ყოვლითვე სრულ იყო: ვითარცა - გარემეგრეცა - შინაგან. მის გამო იყო ბრწყინვალეებაჲ იგი და მის თანავე იყო, რამეთუ არა სხუისგან

კონდაკი:
მთასა ზედა ფერი იცვალე ქრისტე ღმერთო და რაოდენ ძალ-ედვა მონაფეთა შენთა, დიდებაჲ შენი უჩუენე. რათა რაჟამს იხილონ ჯუარცმაჲ შენი, გულისხმაჲ ჰყონ, ვითარმედ ვნებაჲ იგი ნებსით არს და სოფელსა უქადაგონ, ვითარმედ შენ ხარ ჭეშმარიტად ბრწყინვალეებაჲ მამისა.

მოილო“. ღვთის ძალით, ხოლო მაცხოვრის ბრწყინვალეება „შინაგანი“ მისთვის მოუცილებელი რეალობაა, რომელიც მას მარადიულად თან ახლავს. თაბორის მთაზე უფალმა სულიერი თვალი აუხილა მონაფეებს და მათაც იხილეს მისი დიდება იმდენად რამდენადაც ამ


დიდების დატევის შემდლებლნი იყვნენ, ანუ როგორც თეოდორე ხარენელი ამბობს: „არამედ რაიზომ შემძლებლნი იყვენს, ეგრეთ ეჩუენა“. იგივეს ვკითხულობთ ფერისცვალების დღესასწაულის ტროპარკონდაკშიც: „მთასა ზედა ფერი იცვალე, ქრისტე ღმერთო, და უჩუენე მონაფეთა შენთა დიდება შენი ძალისაებრ მათისა“. ეს ყოველივე ეხმიანება წმიდა დიონისე არეოპაგელის სიტყვებს, რომელიც ამბობს, რომ: „ღვთაებრივი ყველას ეცხადება მათი დატევის უნარის მიხედვით, ღვთაებრივის გაგების უნარის მიხედვით“. გაგება-დატევის უნარი კი შეესაბამება ცალკეული ადამიანის სულიერ განვითარებასა და რელიგიურ გამოცდილებას. სწორედ ამით აიხსნება ეს ფაქტი, რომ მაცხოვარმა თაბორზე მხოლოდ სამი მონაფე წაიყვანა და არა თორმეტი. რადგან თორმეტს შორის იყო იუდა. გამცემი და ღვთის მგმობელი, რომელიც არ იყო ღირსი ღმრთაებრივი ნათელის ხილვისა, რადგან მის გულში ჯოჯოხეთს დაესადგურებინა, იგი უკვე და-

თანმებული იყო მაცხოვრის 30 ვერცხლად გაცემაზე. ამიტომაც უფლის დიდების მხილველნი პეტრე, იაკობი და იოანე არიან, რომელთაც შემდგომ თავის მხრივ უნდა განემტკიცებინათ და გაეძლიერებინათ სხვა მოციქულები მომავალი განსაცდელის ყაფს.

მონაფეებმა მაცხოვართან მოსაუბრე ძველი აღთქმის ორი უდიდესი წინასწარმეტყველი მოსე და ელია იხილეს. როგორც წმიდა მარკოზი აღმსარებელი წერს: „უფლის ფერისცვალებისას თაბორის მთაზე ნაჩვენები იქნა ცხოვნების სამი გზა: სათნოების, შემეცნებისა და ღვთისმეტყველებისა, პირველი ორი გზა ელიასა და მოსეს სახით წარმოჩინდა, ხოლო ღვთისმეტყველებას თავად მაცხოვარი წარმოადგენდა“.

პეტრეს სიტყვები: „კეთილ არს ჩუენდა აქა ყოფა“ გამოხატავს მონაფეთა უდიდეს სურვილს უსასრულოდ გაგრძელდეს ფერისცვალების დრო, როგორც ზეციური სასუფეველის სიხარული, მაგრამ ეს ასე არ ხდება. რადგან სასუფეველის დასამკვიდრებლად საჭირო იყო ცხოვრებისეული თავგანწირვა, მოციქულებრივი ღვაწლი და მონამებრივი სიკვდილი. მაცხოვრისათვის თაბორი წინ უსწრებს გოლგოთას, ხოლო ქრისტიანისათვის გოლგოთა წინ უსწრებს თაბორს.

ფერისცვალების ნათელი ხატებზე წმიდანთა თავზე დამდარი შარავანდელის სახით გამოისახება. იგია ძვირფასი გვირგვინი, რომლითაც უფალი სულიერ ბრძოლაში გამარჯვებულთ აჯილდოებს.



მეუღლე მანანა ბიკაშვილი, შვილები: ლევანი, ნათია; სიძე ირაკლი ფიროსმანაშვილი, შვილიშვილი საბა ფიროსმანაშვილი, და ციციწო, დისქმარი გურამ ნატროშვილი ოჯახით ღრმა მწუხარებით იუნწყებიან
ნოდარ უზუნაშვილის გარდაცვალებას. დაკრძალვა 18 აგვისტოს 2 საათზე, ქ. დედოფლისწყაროში, ევდოშვილის ქ. №9.

დედოფლისწყაროს მუნიციპალიტეტის საკრებულო თანაგრძნობას უცხადებს ილია ტალიაშვილს მამიდის გაყვალ ტალიაშვილი-კანდელაკიშვილის გარდაცვალების გამო.

ქალაქ დედოფლისწყაროს №1 საჯარო სკოლის IV კლასის მოსწავლეები და მშობლები თანაგრძნობას უცხადებენ კლასის დამრიგებელს ციციწო უზუნაშვილს ძმის ნოდარ უზუნაშვილის გარდაცვალების გამო.

ქ. დედოფლისწყაროს ევდოშვილის ქუჩის მცხოვრებლები ღრმა მწუხარებით იუნწყებიან ნოდარ უზუნაშვილის გარდაცვალებას და თანაგრძნობას უცხადებენ მის ოჯახს.

სიღვდრი თამარ ლოლაშვილი, სიმამრი რობინზონი, ცოლისძმა დავით ბიკაშვილი ღრმა მწუხარებით იუნწყებიან სიძის ნოდარ უზუნაშვილის გარდაცვალებას და სამძიმარს უცხადებენ მის ოჯახს.

შვილები: ვასილი, ნათია მოსულიშვილები, სიძე ხვიჩა ისაკაძე, შვილიშვილები: ალექო, დათო, მერი ისაკაძეები, ძმა დურმიშხანი, რძალი ზეინაბი, დისშვილები, ძმისშვილები, მულისშვილები და ახლობლები ოჯახებით იუნწყებიან პელო (პელაგია) მოსულიშვილი-ჭილიტაშვილის გარდაცვალებას. დაკრძალვა 19 აგვისტოს, 2 საათზე სოფელ ზემო მაჩხანაში.

მარინე, გურამი და ვანო მილაშვილები თანაგრძნობას უცხადებენ მანანა ბიკაშვილს-მეუღლის; ნათია და ლევან უზუნაშვილებს-მამის; თამარიკო, რობინზონ, დავითს-სიძის ნოდარ უზუნაშვილის გარდაცვალების გამო.

ტესტი

გოყვართ გართობა?

მეგობრებთან ერთად გართობა ბევრისთვის ცხოვრების განუყოფელი ნაწილია. ზოგიერთი, მიუხედავად მძიმე სამუშაო დღისა, ამ სიამოვნებაზე უარს არ ამბობს. მეტიც - გართობას ხშირად საქმეს, ოჯახს, საკუთარ სიმშვიდესა და ჯანმრთელობასაც კი ანაცვალავს. თუმცა ისეთი ადამიანებიც არსებობენ, რომლებსაც განმარტობა ან მშვიდი, მყუდრო გარემოში, ოჯახურ იდილიაში დასვენება ურჩევნიათ. მოდი, შევამოწმოთ, გიყვართ თუ არა გართობა. გულწრფელად უპასუხეთ მოცემულ კითხვებს. კითხვაზე დადებითი პასუხის შემთხვევაში დაინერეთ ერთი ქულა. ქულები შეკრიბეთ.

12) ადვილად ურიგდებით ადამიანს, რომელთანაც უთანხმოება მოგივიდათ?

13) როდესაც წარსულზე საუბრობთ, უმეტესად სასიამოვნო ამბებს იხსენებთ?

18) ხდება ისე, რომ დილით სამსახურში წასვლის ძალა არ შეგნევთ, რადგან წინა ღამით მოიღვინეთ და მეტისმეტად გვიან დაწვეით დასაძინებლად?

პარტნიორის გარეშე?
23) გიყვართ კომედიები?
24) ღამით გვიან დაწოლა გჩვევიათ?
25) დილაობით ადგომა გიჭირთ?

დებით. იმდენად დიდი, რომ მზად ხართ, მას სამსახური და ჯანმრთელობაც კი შესწიროთ. ხომ არ გეჩვენებათ, რომ მეტისმეტად ღალატობ ცხოვრებას ენვეით?

13-დან 17-მდე - გონიერი ბრძანდებით, ზომიერება არც მხიარულებისა და გართობის დროს გლალატობთ, თუმცა შეიძლება ისეც მოხდეს, რომ თავი დაკარგოთ. ეს კატასტროფა არ არის - გააჩნია თქვენი ჯანმრთელობის მდგომარეობას და სამსახურებრივ წარმატებას.

8-დან 12-მდე - თქვენ შეგიძლიათ დატკბეთ სიცოცხლით, მაგრამ ზომიერად. სამსახური და ოჯახი თქვენთვის გაცილებით მნიშვნელოვანია, ვიდრე გართობა. შეგიძლიათ, კარგად დაისვენოთ, თუ, რა თქმა უნდა, ეს ზიანს არ მიაყენებს თქვენს მოვალეობას.

3-დან 7-მდე - თქვენ იშვიათად ერთობით. ალბათ ამიტომაც გიჭირთ იმ სიამოვნებათა დაფასება, ცხოვრება რომ გვთავაზობს. მეტისმეტად გონიერი ხართ და მშვიდი, განონასწორებულ, კარგად ორგანიზებულ ცხოვრებას ამჯობინებთ. თითქოს გეშინიათ კიდევ გადაჭარბების, ჩარჩოების დამსხვრევის.

1 ან 2 ქულა - თქვენ შექმნილი ხართ ისეთი ცხოვრებისთვის, რომელიც გართობის მოყვარული ადამიანისთვის აუტანელი იქნებოდა. თქვენ ამ უკანასკნელის საპირისპირო კატეგორიას ეკუთვნით. თქვენმა ასეთმა ხასიათმა შესაძლოა ბევრი დააფრთხოს.



- 1) გიყვართ სეირნობა?
- 2) გიყვართ სტუმრების გამასპინძლება?
- 3) არ გიჭირთ მეგობრების ხათრით წერილმანებზე უარის თქმა?
- 4) შინ ყოველთვის მოგეპოვებათ რამე მოულოდნელი სტუმრების გასამასპინძლებლად?
- 5) სასურველ ადამიანთა კომპანიაში შეგიძლიათ დალიოთ უფრო მეტი, ვიდრე ისურვებდით?
- 6) გიყვართ კარგი სამზარეულო?
- 7) ხშირად მართავთ წვეულებებს?
- 8) გყავთ მეგობრები, რომლებსაც რეგულარულად ხედავთ?
- 9) გიყვართ მეგობრების წრეში სიმღერა?
- 10) გიყვართ კარგ კომპანიაში ყოფნა?
- 11) ადვილად მოდიხართ გუნებაზე?

14) როგორ ფიქრობთ, კარგი სახის ფერი გაქვთ?

15) როდესაც თავს შეუძლოდ გრძნობთ, შეგიძლიათ, ეს არ შეიძინოთ და თავი ისე დაიჭიროთ, თითქოს ყველაფერი რიგზეა?

16) სათანადო ყურადღებას უთმობთ საკუთარ ჯანმრთელობას?

17) ხშირად იღვიძებთ თავატკივებულები, გამოუძინებელი?

19) თუ ჯანმრთელობის მდგომარეობის გამო ექიმი მოწვევასა და დაღვევას აგიკრძალავთ, შეძლებთ, უარი თქვათ ამ მავნე ჩვევებზე?

20) ერთხელ მაინც გიფიქრიათ: "არასოდეს დავიცავ დიეტას, რაც არ უნდა მოხდეს?"

21) ჭარბი წონა ხომ არ გაქვთ?

22) ხშირად მიბრძანდებით გასართობად მეუღლის,

26) გიყვართ კლოუნადა?

27) ხშირად იგვიანებთ შეხვედრებზე?

28) სამსახურში ხშირად ხუმრობთ?

29) ყოველთვის ხართ მზად, საქმე მეორე დღისთვის გადადოთ და გასართობად გაეშუროთ?

დააჯამეთ ქულაი

18-დან 22-მდე - გართობის დიდი მოყვარული ბრძან-



თამარ ბაბიაშვილს!

ჩვენ თამარ, გილოცავთ დაბადების დღეს. მისაბაძია შენი მიზანდასახულობა, პრომისმოყვარეობა, მოტივაცია, რის შემწეობითაც ხარ სამაგალითო დედა და მასწავლებელი. ასეთი შემართებით იარე კვლავ და იცოცხლე დიდხანს! შენი თანაჯარალები.

ულოცავენ!

თამარ ღორაშვილს!

ჩვენ უსაყვარლესო და ულამაზესო თაკო, 18 აგვისტოს 18 წლის გახდი. გილოცავთ საიუბილეო თარიღს. ჯანმრთელობა, სიკეთე და სიყვარული იყოს შენი მეგობარი. გილოცავთ ეროვნული გამოცდების წარმატებით ჩაბარებას. უფლის წყალობა არ მოგკლებოდას. პაპა სპარტაკი და ბაბია თამარი, სოფელი გამარჯვება

დედოფლისწყაროს კულტურისა და სპორტის ცენტრი ღირსების მედლებითა და ორდენებით დაჯილდოვებს ულოცავს თანამშრომლებს: ცარო მარტინაშვილს, შინაიანი ბუბაშვილს, კახა წიკლაურს და ლავით ბონაშვილს. უსურვებს მათ ჯანმრთელობას და ენერჯის, რათა კვლავ მეტი შემართებით იღვანონ ქართული კულტურისა და სპორტის სფეროში.

იყიდება

იყიდება ნიკორციხის ქ. № 39- ში ორსართულიანი კერძო ბინა, ყოფილი ვეტ- აფთიაქის შენობა. დაინტერესებულმა პირებმა დარეკეთ ტელეფონის ნომერზე 551 58 68 80.

სასწრაფოდ იყიდება ორსართულიანი კაპიტალური ბინა ქალაქ დედოფლისწყაროში. კარგ მდგომარეობაში ეზოთი, ბაღით, დამხმარე სათავსოებით, ავტოფარეხით, უზრუნველყოფილი წყლით, ბუნებრივი აირით, ჭით. დაინტერესებული პირები დაგვიკავშირდით 592 78 53 42 ან 555 32 58 34

ქ. დედოფლისწყაროში, რუსთაველის ქ. №26 (აფთიაქის გვერდით), პირველ სართულზე იყიდება ერთოთახიანი ბინა, რომელიც გამოიყენება როგორც საცხოვრებლად, ასევე კომერციული საქმიანობისთვისაც. ყიდვა შეიძლება განვადებითაც. დაინტერესებულმა პირებმა დარეკეთ: 571 55 99 51. იკითხეთ ლია. ფასი შეთანხმებით

იყიდება მალაზიის შენობა დედოფლისწყაროში ყველა საჭირო ინვენტარით. 100 კვადრატული მეტრი სავაჭრო დარბაზით, 200 კვადრატული მეტრი დამხმარე სათავსოებით და ეზოს ფართით. მსურველებმა დარეკეთ შემდეგ ნომრებზე: 599 26 80 28; 557 75 03 01

აგვისტო		დედოფლისწყარო											
შაბათი 18.08	კვირა 19.08	ორშაბათი 20.08		სამშაბათი 21.08		ოთხშაბათი 22.08		ხუთშაბათი 23.08		პარასკევი 24.08			
დღე	ღამე	დღე	ღამე	დღე	ღამე	დღე	ღამე	დღე	ღამე	დღე	ღამე	დღე	ღამე
30°	25°	29	21°	27°	23°	26°	23°	27°	24°	30°	20°	23°	21°

გამომცემელი შპს „შირაქი“ დირექტორი ინგა შიოლაშვილი	სარედაქციო კოლეგია: ლალი მხრისიანი , ილია მარტყოფლიანი (კორექსორები); მინაილ მუხარბიანი (სტილისტ-მწერელი); ნათელა პოსტაშვილი (ბუღალტერი); ნინო ჯანაშვილი (ოფის-მწველი); მზია ქანჭავაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).	რედაქციის მისამართი: ქ. დედოფლისწყარო, ფრონისის №18, ტელ. 0 356 22 55-49; 598 72-18-72 (დირექტორი) 599 25-17-44 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
ნომრის რედაქტორი ინგა შიოლაშვილი	გაზეთი აიწყო და დაკაბადონდა „შირაქის“ კომპიუტერულ ბაზაზე. დაიბეჭდა შპს „სარის“ სტამბაში		